

Kæru foreldrar og forráðafólk,

Garðabær hefur tekið í notkun nýjan hugbúnað, Völu leikskóla, fyrir utanumhald um umsóknir, dvalartíma og aðra þjónustu á leikskólastigi. Margir kannast við þennan hugbúnað en Garðabær hefur notað hann fyrir utanumhald um frístundaheimili bæjarins.

Um Völu

Vala leikskóli er þjónustugátt fyrir foreldra og forráðafólk með leikskólaumsóknum og samtímis er það þjónustuapp (smáforrit).

Í dag 15. febrúar 2024 tókum við Völuna í gagnið og innleiðum að fullu.

Í Völu má finna:

- Umsóknir um leikskólavist
- Dvalartíma
- Flutningsbeiðnir

Þá mun Vala einfalda allt utanumhald um tölfræði. Í smáforritinu (appinu) geta foreldrar og forráðafólk fylgst með tilkynningum frá skólanum, fengið fréttir af starfinu, lesið skilaboð, séð matseðla og skoðað viðburðadagatal leikskólanna.

Hvað á ég að gera?

Það fyrsta sem þarf að gera er að skrá nýjan dvalartíma barnsins í samræmi við breytingar á opnunartíma leikskóla og hámarks dvalartíma barna í leikskólum bæjarins.

Í viðhengi eru leiðbeiningar um skráningu á nýjum dvalartíma. Einnig er möguleiki að að breyta/yfirfara á www.umsokn.vala.is

Það sem þarf að hafa í huga varðandi skráningu á breyttum dvalartíma í Völu er:

- Skráningar á dvalartíma fara fram á tímabilinu 15.-20. febrúar.
- Þann 21. febrúar eiga allir að hafa skráð nýjan dvalartíma.
 - Mánaðarlega er hægt að breyta skráningu dvalartíma en það þarf að gerast fyrir 20. hvers mánaðar.
- Breytingarnar á dvalartíma taka gildi 1. mars 2024 og verða samkvæmt nýrri gjaldskrá sem má finna á: <https://www.gardabaer.is/stjornsysla/fjarmal/gjaldskrar/>
- Foreldrar/forráðafólk þurfa að hafa í huga merkja við í Völu hvort barnið verður til kl. 14 í leikskólanum á föstudögum eða lengur (opið til kl. 16.00)
 - Við viljum vekjum athygli á að ekki er hægt að óska eftir vistun eftir kl. 16 á föstudögum þó svo að kerfið bjóði uppá það (verður lagfært).
 - Ef foreldrar/forsjáraðilar sækja um tíma eftir kl. 16 á föstudögum kemur leikskólastjóri til með að hafna breytingu á dvalartíma og þurfa þá foreldrar að sækja aftur um nýjan dvalartíma
 - Þetta er í samræmi við breyttar áherslur í starfsumhverfi leikskólanna.
- Hámarks dvalartími er 40 stundir á viku og lágmarks dvalartími er 20 tímar.
- Foreldrum gefinn kostur á að kaupa heila eða hálf klukkustund
- Með þessu breytta fyrirkomulagi er sveigjanleikinn þannig að hægt að hafa dvalartíma mismunandi langan innan vikunnar og er það skráð í Völu.
 - Sveigjanleiki milli vikna: Vinsamlegast athugið að nú þarf að upplýsa leikskólastjóra um mismunandi dvalartíma á milli vikna en sú skráning færirist svo fljótlega yfir í Völu.

- Garðabær er með eitt fæðisgjald og því birtist skráning í Völu eins og barn sé aðeins skráð í hádegisverð en ekki morgunmat og síðdegishressingu en við fullvissum foreldra/forráðafólk um að fæðisgjald nær yfir alla máltíðir dagsins.
- Ekki þarf lengur að sækja um afslátt vegna systkina (færst sjálfvirkt) en sækja þarf um afslátt vegna tekjutengingar. Þau sem þegar eru með tekjutengdan afslátt þurfa að endurnýja hann í júlí.
- Leikskólastjórar munu afhenda nýja dvalarsamninga til undirritunar í leikskólunum fyrir mánaðamótin febrúar - mars 2024.

Starfsfólk leikskólanna hefur fengið þjálfun í notkun Völu og eru þau reiðubúin til að aðstoða foreldra og forráðafólk. Einnig er hægt að hafa samband við þjónustuver Garðabæjar, gardabaer@gardabaer.is eða í síma 525-8500.

Ekki gleyma að sækja myndir

Með nýju kerfi Völunni, er Karellen kerfið tekið úr notkun og því er mikilvægt að sækja allar myndir úr því kerfi fyrir næstu mánaðarmót (febrúar/mars).

Virðingarfyllst

Linda Udengard

Sviðsstjóri fræðslu- og menningarsviðs Garðabæjar